

明紅絲
欄鈔本

百

家

詞



陽春集

南唐相國馮公延巳乃余外令祖也公與李江南有
布衣舊因以淵謨大計弼成宏業江南有國以其勲
賢遂登台輔與弟文昌左相延魯俱竭慮于國庸功
日著時稱二馮馬公以金陵盛時內外無事朋僚親
舊或當燕集多運藻思爲樂府新詞俾歌者倚絲竹
而歌之所以娛賓而遣興也日月寢久錄而成編觀
其思深辭麗韻律調新真清竒飄逸之才也噫公以
遠圖長策翊李氏卒令有江介地而居鼎輔之任磊
磊乎才業何其壯也及乎國已寧家已成又能不矜
不伐以清高自娛爲之歌詩以吟咏情性飄飄乎才
思何其清也核是之羨萃之於身何其賢也公薨之

後吳王納土舊秩散失十無一二今采獲所存勒成一秩藏之于家云大宋嘉祐戊戌十月望日陳世脩

序

陽春集目錄

鵲踏枝十四

采桑子十三

酒泉子七

臨江仙三

清平樂四

醉花間四

應天長七

謁金門四

虞花人五

春光好

舞春風

歸目遙三

歸國遙

南鄉子二

長命女

喜遷鶯

芳中渡

更漏子六

拋裘樂八

鶴冲天

醉桃源三

菩薩蠻九

浣溪沙五

相見歡

三臺令三

點絳脣

上行盃

賀聖朝

江城子

如夢令

憶秦娥

憶江南二

思越人

陽春集目錄終

陽春集

鵲踏枝

一名蝶戀花

梅落繁枝千萬片
猶自多情學雪隨
風轉昨夜笙歌
容易散酒醒添得愁無限
樓上春寒山四面
過盡征鴻暮景烟深淺
一餉凭闌人不見
紅綃掩淚思量遍

又

誰道閑情拋擲久
每到春來惆悵還依舊
日日花前常病酒
敢辭鏡裡朱顏瘦
河畔青蕪堤上柳
爲問新愁何事年年有
獨立小樓風滿袖
平林新月人歸後

蘭畹集作歐陽永叔者非

又

秋入蠻蕉風半裂狼籍地塘雨打疎荷折遠砌蛩聲
芳草歇愁腸學盡丁香結回首西南看晚月孤鴈
來時塞管聲鳴咽歷歷前歡無處說關山何日休離
別

又

花外寒雞天欲曙香印成灰起坐渾無緒庭際高梧
凝宿霧卷簾雙鵲驚飛去屏上羅衣閑綉縷一餉
關情憶遍江南路夜夜夢魂休謾語已知前事無情
處

又

耐爲人情太薄幾度思量真擬渾拋却新緒同心
香未落怎生負得當時約休向尊前情索寞手舉

金壘憑仗深深酌莫信等閑相聞作與君保取長歡
樂

又

蕭索清秋珠泪墜枕簟微涼展轉渾無寐殘酒欲醒
中夜起月明如練天如水 堦下寒聲啼絡緯庭樹
金風悄悄重門閉可惜舊歡攜手地思量一夕成憔悴

又

煩惱韶光能幾許腸斷魂銷看却春還去祇喜墻頭
靈鵲語不知青鳥全相誤 心若垂楊千萬縷水濶
花飛夢斷巫山路滿眼新愁無問處珠簾錦帳相思
否

又

霜落小園瑤草短瘦兼和風惆悵芳時換舊恨年年
秋不管朦朧如夢空腸斷獨立荒池斜日岸墻外
遙山隱隱連天漢忽憶當年歌舞伴晚來雙臉啼痕
滿

又

芳草滿園花滿目簾外微微細雨籠庭竹楊柳千條
珠裊裊碧池波皺鴛鴦浴窈窕人家顏似玉絃管
泠泠齊奏雲和曲公子歡筵猶未足斜易不用相催
促

又

幾度鳳樓同飲宴此夕相逢却勝當時見低語前歡

頻轉面雙眉歛恨春山遠
蠟燭淚流羗笛怨偷整
羅衣欲唱情猶嬾醉裡不醉金爵滿陽關一曲腸千
斷

又

幾日行雲何處去忘了歸
不道春將春百草千花
寒食路香車繫在誰家樹
淚眼倚樓頻獨語雙燕
飛來陌上相逢否撩亂春愁如柳絮悠悠夢裏無尋
處

又

庭院深深知幾許楊柳堆烟簾幙無重數玉勒金鞍
遊冶處樓高不見章臺路
雨橫風狂三月暮門掩
黃昏無計畱春住淚眼問花花不語亂紅飛
秋千

去

又

粉映牆頭寒欲盡官牆長時酒醒人猶困一點春心
無限恨羅衣滿印啼痕粉柳暗花稀寒食近陌上
行人杳不傳芳信樓上重簷山隱隱東風盡日吹蟬
鬢

又

六曲闌干偎碧樹楊柳風輕展盡黃金縷誰把鈿箏
移玉柱穿簾海燕驚飛去滿眼遊絲蕪落絮紅杏
開時一霎清明雨濃睡覺來慵不語驚殘夢無尋
處

采桑子

小庭雨過春將盡
片片花飛獨折殘
枝無語凭闌祇
自知
玉堂香暖珠簾捲
雙燕未歸君約
難期肯信
韶華得幾時

又

馬嘶人語春風岸
芳中綿綿楊柳橋
邊落日高樓酒
旆懸
舊愁新恨知多少
目斷遙天獨立花
前更聽
笙歌滿画船

又

西風半夜簾櫳冷
遠夢初歸
過金扉花謝窓前夜
合枝
昭易殿裡新翻曲
未有人知偷取笙
吹驚覺
寒蛩到曉啼

又

酒闌睡覺天香暖綉戶慵開香印成灰獨背寒屏理
舊眉 朦朧却向燈前卧窓月徘徊曉夢初回一夜
東風綻早梅

又

小堂深靜無人到滿院春風惆悵牆東一樹櫻桃帶
雨紅 愁心似醉兼如病欵語還慵日暮疎鍾雙燕
歸栖画閣中

又

画堂燈暖簾櫳卷禁漏丁丁雨罷寒生一夜西窓夢
不成 玉娥重起添香印回倚孤屏不語含情水調
何人吹笛聲

又

笙歌放散人歸去，獨宿江樓。月上雲收，一半珠簾掛。
玉鈎起來點檢經遊地，處處新愁憑仗。東流將取
離心，過橘洲。

又

昭陽記得神仙侶，獨自承恩。水殿燈昏，羅幙輕寒夜。
正春如今別館添蕭索，滿面啼痕舊約猶存。忍把
金環別與人。

又

微風簾幙清明近，花落春殘。樽酒留歡，添盡羅衣怯
夜寒。愁顏恰似饒殘燭，珠淚闌干也。欲高拚爭奈
相逢情萬般。

又

畫堂昨夜愁無寐睡風雨淒淒林鵲爭栖落盡燈花獨
來啼年光往事如流水休說情迷玉筋雙垂祇是
金籠鸚鵡知雞

又

寒蟬欲報三秋候寂靜幽居棄落閑堦月透簾櫳遠
夢回昭陽舊恨依前在休說當時玉笛纔吹滿袖
猩猩血又垂

又

洞房深夜笙歌散簾幙重重斜月朦朧雨過殘花落
地紅昔年無限傷心事依舊東風獨倚梧桐閑想
閑思到曉鐘

又

花前失却遊春侶，獨自尋芳滿眼悲涼。縱有笙歌亦斷腸。林間戲蝶，簾間燕，各自雙雙。忍更思量綠樹青苔，半夕陽。

酒泉子

庭下花飛，月照粧樓春事晚。珠簾風，蘭燭燼，怨空閨。迢迢何處寄相思。玉筩零零腸斷，屏幃深更漏永。夢魂迷。

又

雲散更深，堂上孤燈堦下月。早梅香，殘雪白，夜沉沉。閑邊偷唱擊瑤簪。前事總堪惆悵，寒風生羅衣薄。萬般心。

又

庭樹霜凋一夜愁。人窓下睡。綉幃風蘭。燭焰夢遙遙。
金籠鸚鵡。怨長宵。籠畔玉箏絃斷。隴頭雲。桃源路。
兩魂銷。

又

芳中長川柳映危橋。橋下路歸鴻。飛行人去。碧山邊。
風微烟淡。雨蕭然。隔馬嘶何處。九回腸。雙臉淚。
夕陽天。

又

春色融融。飛燕乍來。鶯未語。小桃寒。垂柳晚。玉樓空。
天長烟遠。恨重重。消息燕鴻歸去。枕前燈。窓外月。
閉朱櫳。

又